



30. september 2019

UKA 2019/22  
Aqqalu C.Jerimiassen

**Uunga siunnersuut: Inuussutissat pillugit Inatsisartut inatsisaat nr. xx, xx. xxx 2019-imeersoq.**

(Aalisarnermut, Piniarnermut Nunalerinermullu Naalackersuisoq)

Nalornisuulaanngitsuunngilagut Atassummiik una Naalackersuisunik qaqqinneqarmat.

Tassami upernaarmi ataatsimiinnermi Atassummiik siunnersuupput imm.132 siullermeerneqarnerani amerlanerussuteqartunik taparserneqareersoq suliluunniit aappassaaneerneqarnissaa anguneqanngitsoq Naalackersuisut suliamik aallarnisaallutik aallartereersimammata.

Atassummiik, aap Naalackersuisooqataanikuuvugut, Naalackersuisooqatigiinnissamullumi isumaqatigiinninniarnermi uangarpiaavoq ilanngussisitsisuuvoq isumaqatigiisummi Inuussutissalerinermut aqutsiviup nunatsinnit tamakkiisumik ingerlanneqalernissaanik.

Naak suliniut una aallartittoq ajorinngikkaluqaqalugu, pingaartuuteqqaaraluarpara taamannak qarsupiiGINNARLUNI suliaqarnerup aallartinnera pissusissaminiinngitsoq, immaqaluunniit kingumut imm.134 upernaarmi sammineqarneratut isumaqatigeerrattorsuulluta periarluta allat mumeriatarsimanissaat anguniarneqalersimasoq?

Taamatut oqaaseqareeraluarlunga, Atassummiik isumaqarpugut akisussaaqataanerput takutissallugu innuttaasut qitiutillugit sulisussaagatta. Qanorinnikkulluunniimmi inuussutissalerinermut inatsipput innuttaasoqatitsinnut pitsaanerpaatinniartariaqarparput, tassuunakkullu aporfissanik annikillisaasinnaappat qimarratigisinnaanngilarput akuerseqataanissarput. Inuussutissarsiortortatsinnut maanna eqianaannartumik nunatta nammineq pissarititaanik atuisinnaatitaannginnermut aporfissalersuinnermut pissartaagunarpugut, taamaattumillu puulukiminersinissaq ajornannginnikkiaralugu pisiarinerusariaqaannartarlugu.

Ukiorpasuarini nalittorsaanissaq avammut nioqqutitsinnik eqqartorneqartuarpoq, uagut inuusunnerusortaasugut oqaatsit qaatuussarpassuatta sulii eqqartungaajuarnerni tamanna uagutsinniik killeqartariaqalernera suleqataaffigerusupparput. Uagummi tusalooreersimasagut maanna uagut kinguaatta kinguaassattalu kingornuttariaqanngimmatigit, sullarliorsimanermut takussusiissanngilagut.

Takinerusumik oqaaseqarata Atassummiik ataatsimiitsitaliamut susassaqartumut ingerlanneqarnissaa innersuupparput.